

Uttale frå hovudutvala til finansutvalet 01.06.21

Frå hovudutval for kultur, idrett og integrering:

Hovudutvalet viser til vedlagt arbeidsdokument nr. 2/21 som kjem til handsaming i finansutvalet sitt møte 1. juni.

Hovudutvalet har følgjande innspel til arbeidsdokumentet nr. 2/21:

- Finansiering av regionale kulturarenaer

Hovudutval for kultur, idrett og integrering viser til KULII PS 70/21 og støtteordninga «tilskot til kulturarenaer med regionale funksjonar». Det er et stort behov for midlar til regionale kulturbygg i Vestland fylke. Dette fordi statleg medfinansiering av regionale kulturbygg fordrar ein tredjedel kommunal og ein tredjedel fylkeskommunal medfinansiering. I dag har ikkje Vestland fylkeskommune satt av konkrete årlege budsjettmidlar til finansiering av regionale kulturbygg, slik ein blant anna hadde i Hordaland. Dagens tilskotsordning er ein søknad til behandling i budsjett, der ingen prosjekt fekk støtte i 2021. Det gjer at fleire prosjekt setjast på vent og blir dyrare, samtidig som statens velvilje til å løyve midlar til Vestland potensielt blir mindre. Finansiering av regionale kulturbygg er ein del av kjernen av fylkeskommunens kulturpolitiske oppgåve.

Hovudutvalet meiner difor at ein prioritert oppgåve for det vidare budsjettarbeidet er å sette av ein sum årleg til ein tilskotsordning som heter «tilskot til kulturarenaer med regionale funksjonar» der tildelingsmynde er delegert til hovudutval for kultur, idrett og integrering. Det poengterast at tilskotsposten må vere av en viss størrelse for å kunne ha ønska effekt.

- Tilskotsordningar ved overgangen frå Hordaland og Sogn og Fjordane fylkeskommunar til Vestland fylkeskommune

Samanslåinga av Vestland fylkeskommune har generelt gått veldig bra under avdeling for kultur, idrett og inkludering. Dei to tidlegare fylkeskommunane hadde eigne tilskotsordningar, der nokre av desse ble vidareført til å gjelde heile Vestland. Utfordringa her er at når tilskotsordningane utvidast til heile Vestland, opplever dei tidlegare mottakarane eit kutt i tilskot fordi det blir fleire som søker støtte for den same summen som er satt av til ordninga. Dette gjelder til dømes ordninga «driftstilskot til nasjonale og regionale kulturminne».

Hovudutval for kultur, idrett og integrering ber finansutvalet og fylkesdirektør om å vere oppmerksom på denne problemstillinga i det vidare budsjettarbeidet.

- Framtidig museumsmagasin

Det må tas høgde for moglege finansieringsbehov knytt til endeleg avklaring av nytt fellesmagasin for musea.

Frå hovudutval for opplæring og kompetanse

Hovudutvalet viser til vedlagt arbeidsdokument nr. 2/21 som kjem til handsaming i finansutvalet sitt møte 1. juni.

Hovudutvalet har følgjande innspel til arbeidsdokumentet nr. 2/21:

Opplæring- og kompetansesektoren har svært mykje å seie for Vestlandsamfunnet. Gjennom samfunnsoppdraget vårt skal me skape vekst og utvikling i heile fylket, utjamne sosiale skilnader mellom barn og unge og møte innbyggjarane våre med tilbod med høg kvalitet. Opplæring og kompetanse har eit breitt spekter av oppgåver. Dette krev eit mangfald av tilbod og løysingar. Opplæring er ein stor og arbeidsintensiv sektor, og det er saman med våre dyktige tilsette me løyser samfunnsoppdraget og når dei måla fylkestinget har sett for Vestland fylkeskommune. Hovudutval for opplæring og kompetanse vil løfte fram det fantastiske arbeidet som skjer i opplæringsfeltet i sektoren.

I sak om budsjett 2022/økonomiplan 2022-2025 – arbeidsdokument – hovudutvalshandsaming peikar fylkesrådmannen på elevtalsutviklinga og større del av elevar på yrkesfag. Dei to fyrste åra er det ein liten nedgang (kjelde SSB), men i 2025 vil det vere om lag 576 fleire 16-18 åringar i Vestland fylke. Fylkesrådmannen slår med rette fast at dreiinga frå studieførebuande til yrkesfaglege utdanningsprogram utfordrar tilbodsstrukturen og dei økonomiske rammene fordi dei yrkesfaglege tilboda har færre elevar pr. klasse. Overgangen er ei ynskt utvikling og vidare arbeid i den leia krev rom i dei økonomiske rammene for sektoren.

Vidare vil hovudutvalet peike på behovet for å auke opp tal klassar yrkesfag i Stor-Bergen. Utvalet syner her til politisk sak 19/21 og 20/21.

Hovudutvalet for opplæring og kompetanse viser også til brev frå Utdanningsforbundet Vestland 27.4.2021 og brev frå Utdanningsforbundet sine tillitsvalde på dei vidaregåande skulane nord i fylket (tidlegare Sogn og Fjordane)

Utvalet finn det rett å synleggjere dei tilsette sine bekymringar for konsekvensane av dei økonomiske rammene til sektoren når handsaminga av budsjett for 2022 og økonomiplan for 2022-2025 startar.

Fylkestinget vedtok i desember 2020 temaplanen «Fornye og Forbetre – Auka gjennomføring» med klar ambisjon om at elevar i Vestland skal ha det beste opplæringstilbodet. Dei økonomiske rammene til sektoren må være tilstrekkelig til å nå måla fylkeskommunen har sett for utviklinga av den vidaregåande skulen.

Frå hovudutval for næring

Hovudutvalet viser til vedlagt arbeidsdokument nr. 2/21 som kjem til handsaming i finansutvalet sitt møte 1. juni.

Hovudutvalet har følgjande innspel til arbeidsdokumentet nr. 2/21:

1. Det er viktig at ramma til innovasjon og næring er på eit nivå som imøtekjem ambisjon og tiltak i Plan for næring og innovasjon i Vestland
2. Utvalet vil særleg peike på marint program, støtte til breibandsutbygging, kommunale næring og utviklingsfond og elektrifisering av fiskerihamner.
3. Utvalet imøteser ei drøfting om bruk av prosjekt/utlysingsmidlar opp mot meir midlar til «modne» og faste tiltak.
4. Utvalet merkar seg at bruk av Havbruksfondet skal vera næringsretta.

Frå hovudutval for samferdsel og mobilitet

Hovudutvalet viser til vedlagt arbeidsdokument nr. 2/21 som kjem til handsaming i finansutvalet sitt møte 1. juni.

Hovudutvalet har følgjande innspel til arbeidsdokumentet nr. 2/21:

Hovudutval for samferdsel og mobilitet viser til det omfattande etterslepet på vedlikehald av fylkesvegane og vil sterkt understreke eit stort behov for auka rammer til veg og øvrig infrastruktur.

Utvalet minner vidare om at tunnelforskrifta medfører store utgifter for Vestland som ein er heilt avhengig av å få kompensert for å kunne følgje opp denne forskrifta.

Utvalet vil også peike på ekstrakostnadene i samband med det grønne skiftet i transportsektoren. Her har Vestland teke ansvar og gått i front. Dette har gitt auka utgifter som vi har klare forventningar til at Staten kompenserer for.